

Praktis 8 Cerpen Oren

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Sekarang, dia hanya menunggu kepulangan Oren. Dia ingin mengotakan janjinya kepada dirinya dahulu sewaktu membawa Oren pulang. Dahulu, dia berjanji untuk memelihara Oren seperti anaknya sendiri. Janjinya itu adalah untuk menebus kesalahan dirinya yang mengakibatkan Oren kehilangan ibunya. Segala egonya dahulu yang tidak membenarkan anak-anaknya memelihara kucing telah dipadamkan. Sebaliknya, dia membawa Oren pulang ke rumah.

Tetapi dia tidak menyangka bahawa selepas kehadiran Oren dia akan membawa pulang Kelabu sebagai sebahagian daripada ahli keluarganya. Kelabu ditemukan sewaktu anak kucing jantan itu mengekorinya yang sedang menuju ke kereta dan hendak pulang ke rumah. Dia memungut Kelabu untuk menjadi teman Oren bermain.

Pada mulanya dia menyamaratakan kasih sayangnya kepada kedua-duanya. Setelah dia melihat Kelabu menunjukkan reaksi yang lebih manja daripada Oren dan sering menarik perhatian, mereka sekeluarga lebih suka akan Kelabu. Oren yang lebih suka menyendiri dan pendiam *semakin tersisih*.

Hari terus berlalu. Kelabu terus menjadi perhatiannya kerana pada setiap kali pulang ke rumah Kelabulah yang selalu menyambutnya sedangkan Oren hanya mengangkat kepala apabila melihatnya dan melihat tingkah laku Kelabu.

Dipetik daripada cerpen “Oren”, antologi *Kuingin Berterima Kasih*,
Tingkatan 1, Kementerian Pendidikan Malaysia

- 1 Berdasarkan petikan, rangkai kata *semakin tersisih* bermaksud

A masih tertinggal. C sudah terpisah.
B kian terasing. D akan terpinggir.

Menafsir Aras R

- 2 Setelah dia melihat Kelabu menunjukkan reaksi yang lebih manja daripada Oren dan sering menarik perhatian, mereka sekeluarga lebih suka akan Kelabu.

Berdasarkan pernyataan di atas, apakah peribahasa yang sesuai?

A Sekali tersengat, selalu beringat
B Lembu punya susu, sapi dapat nama
C Tak tumbuh tak melata, tak sungguh orang tak berkata
D Sudah dapat gading bertuah, tanduk tidak berguna lagi

Menafsir Aras R

- 3 Apakah tema yang terdapat dalam petikan cerpen di atas.

A Menginsafi kesalahan diri
B Pandai menyesuaikan diri

C Bijak menyelesaikan masalah
D Kasih sayang terhadap haiwan

Memahami, Menganalisis Aras S

- 4 Apakah kesalahan yang dilakukan oleh “dia” terhadap Oren?

A “Dia” mengakibatkan Oren kehilangan ibunya.
B “Dia” tidak membawa Oren pulang ke rumah.
C “Dia” memaksa Oren bermain dengan Kelabu.
D “Dia” tidak pernah menyamaratakan kasih sayangnya kepada Oren dan Kelabu.

Memahami, Menganalisis Aras S

- 5 Antara berikut yang manakah **benar** tentang petikan?

A Dahulu, “dia” berjanji untuk memelihara Kelabu seperti anaknya sendiri.
B Oren mengekorinya yang sedang menuju ke kereta dan hendak pulang ke rumah.
C Kelabu suka menyendiri dan pendiam.
D Oren hanya mengangkat kepala apabila melihat tingkah laku Kelabu.

Menganalisis, Menjusun Aras T